

**“O‘zmilliybank” AJ Jizzax viloyat Bosh boshqarmasi hamda BXO, BXMlar
barcha mijozlar bilan ishlovchi (Korrupsiyaviy xavf-xatar yuqori bo‘lgan lavozimlarda
ishlovchi) xodimlar o‘rtasida o‘tkazilgan 48 - sonli yig‘ilish
B A Y O N N O M A S I**

2026 yil “ 12 “ may

Jizzax shahri.

- Yig‘ilish raisi:** G‘.Yunusov – KTB Korrupsiyani oldini olish boshqarmasi Korrupsiyani oldini olishni muvofiqlashtirish bo‘limi bosh mutaxassisi
- Qatnashdilar:** Jizzax viloyati Bosh boshqarmasi bosh buxgalteri J.Nartashov, hamda mijozlar bilan ishlovchi barcha bo‘lim rahbarlari va xodimlari, (zoom orqali) bank markazlari ofisi mudiri va xodimlari hamda bank xizmatlari markazi mijozlar bilan ishlovchi barcha bo‘lim va sho‘ba rahbarlari va xodimlari, : Jami 55 nafar

K U N T A R T I B I:

O‘zmilliybank AJ Jizzax viloyat Bosh boshqarmasi Jizzax amaliyot, Industrial va Mirzacho‘l bank xizmatlari markazlarida va Paxtakor bank xizmatlari ofisida faoliyat yuritayotgan mijozlar bilan ishlovchi barcha bo‘lim rahbarlari va xodimlari (Korrupsiyaviy xavf-xatar yuqori bo‘lgan lavozimlarda ishlovchi xodimlar) tomonidan Korrupsiyaga oid huquqbuzarlik, firibgarlik va boshqa turdagi jinoyatlar sodir etilishini oldini olish hamda Manfaatlar to‘qnashuviga yo‘l qo‘ymaslik bo‘yicha chora-tadbirlari to‘g‘risida.

Kun tartibidagi masala yuzasidan “O‘zmilliybank” AJ Komplaens tavakkalchilik blogi Korrupsiyani oldini olish boshqarmasi Korrupsiyani oldini olishni muvofiqlashtirish bo‘limi bosh mutaxassisi G‘.A.Yunusov so‘zga chiqib, kun tartibidagi masalalar bilan xodimlarni tanishtirdi.

Yigilish raisi – G‘.Yunusov O‘zbekiston Respublikasining “Korrupsiyaga qarshi kurashish to‘g‘risida”gi Qonuni talablariga rioya etish, ushbu qonunning mohiyati va korrupsiyaning oldini olish bo‘yicha milliy bank tizimida ham bir qator ishlar amalga oshirilayotganligi, ushbu illatga murosasiz munosabatda bo‘lish muhitini yaratish, davlat va jamiyat boshqaruvida korrupsiyaviy omillarni keskin kamaytirish va bunda jamoatchilik ishtirokini kengaytirish hamda bu borada keng ko‘lamli chora-tadbirlar amalga oshirilib kelinayotganligi lekin bunga qaramasdan ayrim “O‘zmilliybank” AJ xududiy boshqarmalarida mijozlar bilan ishlovchi xodimlar tomonidan Korrupsiyaga oid huquqbuzarliklar va firibgarlik jinoyatlari sodir etilganligini takidladi.

Jumladan, kun tartibidagi masala yuzasidan quyidagilarni, ya‘ni “O‘zmilliybank” Namangan viloyati Bosh boshqarmasi muammoli kreditlar bilan ishlovchi xodimi bir tadbirkor bilan bankga aloqasi bo‘lmagan ishlarga vositachilik qilgani uchun jinoiy javobgarlikka tortilganligini, shu yilning 11-12 aprel kunlari “O‘zmilliybank” Farg‘ona viloyati Bosh boshqarmasi amaliyot BXM kassiri tomoidan kassaga qabul qilingan katta miqdordagi pullar o‘g‘irlab, qimor o‘yiniga tikib yuborganligi aniqlanib unga nisbatan ham qonuniy chora ko‘rilganligini, “O‘zmilliybank” Surxandaryo viloyati Bosh boshqarmasi Termiz amaliyot BXM Hisob kitob va biznesni texnik qo‘llab quvvatlash sho‘basi mudiri tomonidan o‘zining javobgarligida bo‘lgan bankamatlardan 370 million so‘m pullarni o‘g‘irlaganligini, bundan

tashqari Andijon viloyati Bosh boshqarmasi raxbar xodimi fuqarodan 40 000 dollar pora olgan vaqtida DXX hamda Bosh prokuratura Iqtisodiy jinoyatchilikka qarshi kurashish departamenti xodimlari tomonidan jinoyat ustida ushlanib, qamoqqa olinganligini ma'lum qildi va bunday salbiy xolatlar Jizzax viloyati Bosh boshqarmasi tasarrufidagi BXO, BXMLarda ishlovchi xodimlar tomonidan sodir etilmasligini, bunday noqonuniy xolatlar aniqlansa ularga nisbatan qonuniy choralar ko'rilishini aytib, barcha xodimlarni ogoxlikka chaqirdi

G'.Yunusov so'zining davomida Manfaatlar to'qnashuviga yo'l qo'ymaslik va uni oldini olish maqsadida Extimoliy manfaatlar to'qnashuvi to'g'risidagi deklaratsiya joriy etilganligini, deklaratsiyani to'ldirishda *(yillik, ishga qabul qilinayotganda, boshqa ishga o'tkazilayotganda)* yaqin qarindoshlarga oid ma'lumotlarni yashirmaslikni, manfaatlar to'qnashuvi holatlari yuzaga kelgan taqdirda raxbariyatga bildirgi orqali ma'lum qilishliklarini, manfaatlar to'qnashuvi holatlarini yashirmaslik yuzasidan tushunchalar berib o'tildi.

Shundan so'ng "O'zmilliybank" AJ Jizzax viloyati Bosh boshqarmasi bosh buxgalteri J.Nartashov so'zga chiqib, korrupsiyaga qarshi kurashishga qaratilgan maqsadlarni samarali amalga oshirish hamda Manfaatlar to'qnashuviga yo'l qo'ymaslik maqsadida mavjud xato-kamchiliklarni bartaraf etish yo'lida olib borilayotgan say'i-harakatlarda xodimlarning siyosiy ongini yuksaltirish, huquqiy madaniyatini oshirish hamda korrupsiyaviy harakatlarga qarshi va Manfaatlar to'qnashuviga yo'l qo'ymaslik va oldini olish yo'nalishidagi tushunchalarni shakllantirish zarurligiga e'tibor qaratish lozimligi, iqtisodiy sohada sodir etilgan korrupsiyaviy holatlar haqida bir qancha misollar keltirildi hamda barcha ishtirokchilarni hushyorlikka, lavozim yo'riqnomasi vazifalarini vijdonan va sidqidildan bajarishga, xizmat ko'rsatish madaniyatiga rioya etishliklarini, ayniqsa, barcha turdagi kreditlarni rasmiylashtirish bilan shug'ullanuvchi xodimlarni, hamda *Kredit qarzdorliklarini monitoring qilish va undirish guruhi, Kreditlarni dastlabki undirish bo'limi, Muammoli kreditlarni undirish va yuridik muvofiqlashtirish boshqarmasi xodimlarini, chakana xizmat ko'rsatish xodimlarini, aloxida ogoxlantirib,* korrupsiyaviy xatti-xarakatlar sodir etgan har qanday xodimga nisbatan qonuniy choralar ko'rilishini aytib o'tdi

Bundan tashqari ushbu yuzasidan Jizzax amaliyot Bank xizmatlar markazi Chakana amaliyotlar bo'limi boshlig'i Yu.Jumae'vning va boshqa raxbar xodimlarning fikr muloxazalari tinglandi.

Yuqoridagi aytib o'tilganlarni inobatga olgan holda yig'ilish

Q A R O R Q I L A D I:

1. Yuqorida ta'kidlab o'tilgan kun tartibidagi masalalar ma'lumot uchun qabul qilinsin.
2. Korrupsiyani yoki korrupsion sxemalarni oldini olish, kelib chiqish omillarini yo'q qilish bo'yicha hamda manfaatlar to'qnashuga yo'l qo'ymaslik va uni oldini olish hamda firibgarlik va boshqa turdagi jinoyatlarni sodir etilishiga yo'l qo'ymaslik va uni oldini olish maqsadida ishlab chiqilgan chora-tadbirlar doirasida olib borilayotgan ishlarni jadallashtirishni va noqonuniy sodir etilgan xar bir xatti-xarakatga nisbatan jiddiy choralar ko'rilishi to'g'risida barcha xodimlarga yetkazilsin.
3. Barcha bank ichki mexnat tartibi qoidalari, tartib intizom, bank va axborot xavfsizligi qoidalariga, ijro intizomiga qat'iy rioya etilsin.

Yig'ilish raisi:

Kotib:



G'.Yunusov

L.Po'latov



